



साःगु भिंगु मरिचरिया निति लुमंका दिसें !

लक्ष्मण जमाल 'विलोमि' प्रोप्राइटर

लाखा छेँ
LAKHA CHHEN

सोन्हुडे, वडा नं. १६, येँ, फोन नं.: ४५६०७५८

थुकि दुने



थेच्च नवदुर्गा भवानी देवी प्याखं प्रशान्त माली - २



चरुं (चाँगु) इ माधवनारायण चक्रधरानन्द राजोपाध्याय - ३



संस्कृति प्रेमी इन्द्र महर्जनयात म्हासीके रत्न काजी मन - ६



सार्क जर्नलिष्ट फोरमया न्हापांगु सम्मेलनया थीथी लू - ४-५

येँ महानगरया डोजरं नीजि सम्पत्ति नं थुंवल सर्वसाधारणलिसें जनप्रतिनिधि तकंया विरोध

स्वनिगः दुने थीथी इलय् थीथी त्वहल्य डोजर न्ह्यानाच्चंगु दु, छैँ दुनाच्चंगु दु। थज्याःगु अवस्थाय गुलिसिनं धाःसा स्वनिगलय् गनं डोजरं छैँ थुनकि हे विकास खनीगु जुयाच्चंगु दुसा स्वनिगःबासीया नितिं थव विकास डोजर आतंकया रुप कयाच्चंगु दु। डोजरयात हे विकास खनीगु थज्याःगु प्रवृत्तियात लिपांगु इलय् येँ महानगरपालिकां नं निरन्तरता ब्यूगु खनेदत। अवैध संरचना, नक्सा विपरित धासें येँ महानगरपालिकां थीथी थासय् यानाः वंगु साउननिसें आःतक्कया दुने ५० थाय् स्वयां अप्वः थासय् डोजर न्ह्याकेधुंकल।

स्वनिगःबासीयात डोजरया नामं त्रसित यायगु ज्याय् लिपांगु इलय् येँ महानगरपालिका व विशेष यानाः येँ महानगर प्रमुख बालेन्द्र शाह व नगर प्रहरी प्रमुख राजुनाथ पाण्डे न्ह्यःने लाःगु खनेदु। थ्व हे इवल्य लिपांगु इलय् येँया बानेश्वर शंखमूल्य नीजि सम्पत्ति डोजर न्ह्याकाः महानगरं यमितयूत ख्यानाब्यूगु दुसा शंखमूल्य डोजर न्ह्यायधुंकाः येँया स्थानीय वासिन्दातलिसें अभियन्तात आन्दोलित जूगु दु।

वंगु २८ पुसय् शंखमूल्य साहेल सिंह महर्जन (अवाले) या जग्गाय् सडक विस्तार यायगु धासें डोजर हयाः जबर जस्ती थुनेगु ज्या जुल। उगु इलय् जग्गा धनी साहेल महानगरया लिखित आदेश वा निर्णयया प्रमाण क्यनेत नं धाल। तर नगरप्रहरी प्रमुख राजुनाथ पाण्डे निर्णय स्वयूत महानगरपालिकाय् हुँ धकाः स्थानीय वासिन्दाया विरोधया दथुइ हे जबरजस्ती पःखाः थुनाब्यूगु खः। निर्णय स्वयूत महानगरपालिकाया ज्याकुथिइ हुँ धाःसां अवाले महानगरय् वंबलय् अन छुं नं कथंया निर्णय जूगु



दसि क्यनेमफुगु खः। ४ मिटरया लँयात ८ मिटरया लँ धकाः थःगु जग्गा स्वयां ल्यूनेया जग्गा मीपिं भूमाफियातलिसे जानाः थथे डोजर न्ह्याकेगु ज्या याःगु आशंका अवालेया दु। सडक तब्या यायगु त्वहल्य निजी जग्गाय् तकं डोजर न्ह्याकूगु धासें उकिया विरोधय् पिडित परिवारलिसें स्थानीय वासिन्दा, अभियन्तात ज्ञापन पत्र बीत महानगरपालिकाया ज्याकू सभागृहलय् थ्यंगु खः। तर महानगर

प्रमुख बालेनं उमित नापलायूगु आँट यायूमफुत। न त विरोधय् वःगु पुचःयात थःपिनिगु ज्या सहि खः धकाः छुं दसि हे क्यनेफत न त थःगु गलती जूगु खः धकाः गलती स्वीकार हे यायूफत। महानगरपालिकां गैरकानूनी ढङ्ग मनुतय् नीजि सम्पत्ति डोजर न्ह्याकाहःगु धासें उकिया विरोधय् माघ १५ गते माइतीघर मण्डलाय् वृहत विरोध सभाया हे आयोजना जूगु दु। 'महानगर गुण्डागर्दी शैलीइ

प्रस्तुत जुयाः डोजर ज्वनावःबलय् स्थानीय बासिन्दा त्रसित जुयाच्चंगु दु। महानगरया मेगु समस्या ज्यंकेमफुबलय्



डोजर आतंक यायूगु बालेनया लोकप्रिय जुइगु चाल जक खनेदत' उपत्यकाब्यापी सडक विस्तार पिडित संघर्ष समिति या कजि सुमन सायूमिं धयादिल। येँ महानगरपालिका २२ वडाया अध्यक्ष चिनीकाजी महर्जन विना सूचना मेपिनिगु जग्गाय् डोजर न्ह्याके मदइगु धयादिल। सार्वजनिक प्रयोजन ल्यं ७ पेजय्

माघ १० निसें सहिद सप्ताहया ज्याइवः



वइगु माघ १० गते मंगलबारनिसें थुगुसीया सहिद सप्ताहया ज्याइवः न्ह्याइगु जूगु दु। शुक्रबाः महानगरया उपप्रमुख सुनिता डंगोलया कजिसुइ च्वंगु मूल समारोह समितिको बैठकं १९९७ सालय् प्राणदण्ड ब्यूपिं सहिदतय्सं सहादत प्राप्त याःगु थासय् व १६ गते लैनचौरय् दक्कं ज्ञातअज्ञात सहिदतय् लुमन्तिइ स्मृति सभा यायगु निर्णय

याःगु खः। तत्कालीन जहाँनिया राणा शासनया विरोध याःगुलिं वि. सं. १९९७य् प्राणदण्ड ब्यूपिं प्याम्हीलसैं लिपा राजनीतिक परिवर्तनया इवलया ज्ञात अज्ञात सहिदपिनि लुमन्तिइ दैयूदसं माघ १० निसें १६ गतेतक्क सहिद सप्ताह हनेगु यानावःगु दु। सहिद सप्ताहया ज्याइवः अन्तर्गत

ल्यं ७ पेजय्

Trendiest Fashion At Price You Love



ufo UTM CLOTHING STORE

4/F, BBSVILL, BATTISDA

राम प्रजापति प्रोप्राइटर

हारती मिठाई भण्डार
(इच्छा शाकाहारी)

कानिमाटी चोक, टंकेरवर मार्ग, काठमाडौं।
फोन नं. : ०१-५३७२९९९, मो. ९८०३९८०६९९

यहाँ:-विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईहरू तयार गरिन्छ।



नेवा: राष्ट्रिय म्ये

च्वमि : दुर्गालाल श्रेष्ठ लय् चिनामि : तिर्थ माली

धुन देने धुन सँन्त्यलं भी फुक्कं हे छम्ह जुइ धुन
भीगु लागाय् भी स्वयं हे जः जुया धुन लुइ धुन
ह्यांगु भुमिइ अष्टमण्डल ह्यांगु चाः दुने थी नगु
भीगु नेवाः ध्वाँय् थ्व हे खः ज्यान भी सकस्यां छगू
जातितय् स्वायत्त राज्यं लुइ कपं च्वय् भिलिमिलिं
राष्ट्र भःभः धाय्क न्ह्याके भीगु चःतिं भीगु हिं

सम्पादकीय



जनप्रतिनिधिं लिसः बी हे माः

थौकन्ह्य् यें महागनरपालिकाया मेयर बालेन्द्र शाहया हे चर्चा न्ह्याथासं जुयाच्वंगु दु। आलोचना याइपिं नं व हे कथं अप्वयावःगु दुसा मिखा तिसिनाः समर्थन याइपिं व आलोचना याःपिन्त लाक्वपाक्व धकाः म्हुतु ल्हाइपिं नं उलि हे दु। सार्वजनिक पदय् च्वनेधुंकाः अथवा धाय् पबलिक फेस जुइधुंकाः यय्कीपिं वा मय्य्कीपिं ला व हे कथं दया हे च्वनी। स्वस्थ ढंगया वादविवाद, वहस धयागु मेगु खँ जुल। तर, सुनां छुं आलोचना यात धाय्वं समर्थकत वयाः असामाजिक ढंगं लाक्वपाक्व धाय्गु पाय्छि खँ ला पक्कां मखुत। थ्व खँ ला जुल समर्थकत वा पिछलगुतय्गु। तर सार्वजनिक पदय् दुम्ह जनप्रतिनिधि थः हे संयमता तंकाः सार्वजनिक रुपं आलोचकयात लाक्वपाक्व धाय्गुलिइ कुहांवय्गु धयागु ला भन हे गलत खँ जुल।

थौकन्ह्य् कमेडि क्लबया ज्याइवः न्ह्याकामि विशाल भण्डारी व मेयर बालेनया जुहारी भाइरल हे जुयाच्वंगु दु। शनिबाः बिशालं रक्षक हे भक्षक धयातःगु छगू फोटोलिसें थःगु खँ पोस्ट यात। उकी विशालं बालेनयात सुभाव हे बियातःगु खनेदु। 'विकासया डाटां विरोधीया सः क्वत्यलेफइ, स्यंकेगु बाहेक दय्कूगु छुं खनेमदु धाइपिं अप्वयावल, आः स्यके गात, दय्के' विशालं थथे धकाः च्वल। तर यें महागनर प्रमुख बालेन्द्र शाहया लिसः ला असामाजिक ढंगं हे वल। कमेन्टय् मेयर बालेनं च्वल, 'छंगु शोलय् धेबाया भोट' त्याइ, छ धेबा कमे याःवःम्ह खः, छंगु अस्तित्व धेबा बाहेक छुं हे मदु, छन्त जीवनय् धेबा बाहेक छुं हे कमे याय्माःगु मदु, छ थज्याःम्ह बिकाउ मनूयात लिसः बियाच्वने जरुरी मदु।'

छम्ह सर्वसाधारणयात मेयर थुज्वःगु जिम्मेवार पदय् दुम्हेसिनं थज्याःगु लिसः ? थन धेबा कमे याय्गु ज्या यानामच्चंम्ह सु दइ ? सांसारिक सुख, माया, मोह त्याग याय्धुन धाइपिं भिक्षु, जोगीतय्सं ला प्वाः थनेत भिक्षा पवनी, दानदक्षिणा काइ। प्वाः थनेत हरेक मनू छुं नं छुं कर्म यानाच्चंगु हे दइ, छगू छुं पेशा यानाच्चंगु हे दइ। आः धाय्बलय् सुनां मेयरयात न्ह्यसः हे तय्मन्त खत ला ?

थथे धयाच्वेच्चं मेगु छता खँ, जनप्रतिनिधिं तलब काय्मदु खः का। तर मेयर बालेनं भत्तालिसें मेमेगु छुं हे सुविध मकयागु हे खः ला ? मेयर बालेनं मेमेगु आय्मूलक छुं हे ज्या मयाःगु खःला ? धेबा कमे याइपिन्सं न्ह्यसः तय्मदु धाय्गुया अर्थ धेबा कमे याइपिं मेयर नं जुइमदुगु खःलाकि ?

थुलि खँ जुइधुंकाः विशाल भण्डारीं मेयर बालेनयात श्री ढ हे धयाबिल। 'जिं न्ह्यसः न्यना, माफ यानाब्बु श्री ढ बालेन शाह, स्यंकेगु बाहेक छु दय्का ?' विशालं मेगु स्टार्टस पोस्ट यात। थुकिया लिसलय् नं बालेनं छंगु गांया मेयरं छु यानाच्चन धकाः न्ह्यसः तल। थथे धाय्बलय् मेयर बालेन जक यें महागनरया रैथाने खःला ले ? मेयर बालेनं थःगु गां महोत्तरीया एकडारा गामय् छु जुयाच्चन स्यू ला ? अन गामय् विकास याय्त गबलें पलाः तयागु दु ला ?

सार्वजनिक पदय् लातकि न्ह्यसःया सामना याय्माली। जनतां न्ह्यसः न्यनी, उकिया लिसः नं बीमाः। मखुला जनतायाके भोट कयाः पदय् जक थ्यनेगु खःसा बालेनं दलीय मनूत स्वयां स्वतन्त्र उम्मेदवारयात भन विश्वास याय्मज्यू धकाः प्रमाणित याइ। थुलि धाधां छता खँ मधाःसे मगाः। थुं जक थुनेगु ला, दय्केगु गबले ?

थेच्च नवदुर्गा भवानी देवी प्याखं



प्रशान्त माली

द्यः प्याखं नेपाःया पुलांगु संस्कृतिya धरोहर खः। थुगु प्याखंया अध्ययन अनुसन्धान याइपिं भीगु देशयापिं स्वयां पिने देशयापिं विद्वानपिं अप्वः आकर्षित जूगु खनेदु। नेपाःया लोकंहवाःगु प्याखंत मध्ये प्रत्येक १२ दैय् छक्कः हुइकीगु येंया भद्रकाली खड्गी सिद्धि प्याखं, पचलि भैरव, किपूया बाघभैरव, ख्वपया नवदुर्गा व थेच्चया नवदुर्गा, जलया हरि सिद्धि प्याखं व खोनाया सिकाली द्यःप्याखं आदि खः। तान्त्रिक विधिपाखें न्ह्याकीगु थुगु प्याखं छुं नं इलय् स्वनिगःयात संरक्षण याय्त शक्तिपीठकथं तयातःगु किम्बदन्ति दु। गथुपिन्सं न्ह्याका वयाच्चंगु 'नवदुर्गा द्यः प्याखं' मल्लकालया इलय् स्वनिगःयात दक्षिणी लागपाखें जुइफइगु आक्रमणपाखें बचे याय्त शक्तिपीठकथं पलिस्था यानातःगु पुलांगु मान्यता दु।

यलया दक्षिण भेग लक्ष्मीप्रसाद देवकोटा मार्ग अन्तर्गत लाःगु थेच्च देवमाला वंशावलीइ न्हय्सःखा छैं दुगु बस्ति दय्काः नवदुर्गा गण पलिस्था याःगु धइगु खँ न्ह्यथनातःगु दु। थौकन्ह्य् लुयावःगु पुलांगु अभिलेखकथं थेच्च थ्यंमथ्यं भिर्खुसः दै पुलांगु बस्ति जूगु अनुमान याय्फइ। थेच्चया मू जात्राकथं नवदुर्गा द्यः प्याखंयात कया वयाच्चंगु दु। थुगु प्याखंया पाय्छिक्थं संरक्षण मदुगु हुनिं न्हनावनीगु अवस्थाय् लानाच्चंगु दु। दैय्दसं मोहनिया इलय् यलया लाय्कुली च्वंगु मू चुक व शहरया थीथी थासय् हुइकेगु परम्परा पूर्वक हे न्हनावनेधुंकूगु धाःसां पाइमखु।

थनिं १८दैं न्ह्यःतक चालंया दिनस नवदुर्गा भवानी देवीयात यलया मंगलबजाः हयाः तलेजु भवानी व नवदुर्गा भवानी देवी मू द्यः दथुइ थवंथवय् स्वक्वःतक दर्शन याकेगु परम्परा दुगु खः। भैरव, काली व बाराही प्याखं हुलाः तलेजु भवानीयात स्वांमा क्वखाय्कीगु चलन दुगु खः।

उगु स्वांमा बुंगया नाइकेपिन्सं बुंगय् हयाः भैलःद्यःया तःजिक जात्रा न्ह्याकीगु खः। हाकनं उगु स्वांमा यलय् हयाः खड्ग जात्रा याइगु प्रचलन दुगु खः। आः वयाः थुगु परम्परा पूर्वक हे न्हनावनेधुंकूगु दु।

अथेहे मोहनिया आश्विन शुक्ल पक्ष चतुदशी व पुन्हिया दिनस यलया लाय्कुली च्वंगु मूचुकय् प्याखं हुइकेगु परम्परा नं लोप जुइधुंकूगु दु।

किम्बदन्तिकथं प्राचीन इलय् तलेजु भवानी व शत्रुत दथुइ युद्ध जूगु इलय् नवदुर्गा भवानी द्यःया तलेजु भवानी द्यःयात ग्वाहालि बियाः विजय

जूगु लसताय् चालंया दिनस भिन्तुना देछाय्त नवदुर्गा गण मंगलबजाः थ्यंगु धइगु धापू दु। थुगु प्याखं न्हनावनेवं पर्यटनयात मू आमदानी दय्का वयाच्चंगु यल महानगरपालिकाया पाटन संग्रहालय, गोल्डेन टेम्पल, रुद्रवर्ण महाविहार, कोन्ति, वंगलामुखीलिसेंया थासय् दुगु संघसंस्थाय् नं बांमलाक्क लिच्चः लाःगु खनेदु।

नापं पर्यटनयात मू आधार दय्काः न्ह्यानाच्चंगु यलया होटलनापं रेष्टुरेण्टय् आन्तरिक नापं विदेशी पर्यटकत वय्गुली नं म्हो जूगु खनेदु। थुकिं पाटन लागयात जक मखुसे नकातिन जक घोषणा याःगु बज्रबाराही नगरपालिकाया आमदानीइ नं प्रत्यक्ष लिच्चः लाकूगु खनेदु।

थुलि जक मखु, यल लाय्कुली थेच्चया नवदुर्गा भवानीया प्याखं जक मखुसें जलया हरिसिद्धि प्याखं व खोकनाया सिकाली अजिमाया प्याखं हुइकेगु परम्परा नं मदय्धुकल। गुकिं अन वइपिं पर्यटकत जक म्हो जूगु मखु, गां गां दथुइ दयाच्चंगु सदभाव, एकता, जातीय विविधताय् नं बांमलाक्क लिच्चः लाःगु दु। धार्मिक, सांस्कृतिक, ऐतिहासिक मूल्य मान्यता दुगु पुलांगु द्यःप्याखं न्हना वनाच्चंगु खँय् थुकियात पुनःजागरण याय्गु नितिं सुं नं न्ह्यच्चूगु खनेमदु।

विशेषयानाः प्याखंयात हाकनं न्ह्याकेगु नितिं यल गुथि संस्थान, महानगरपालिका, पाटन संग्रहालय, नवदुर्गा गुथिं च्यूताः क्यनेमाःगु खः। यल व थेच्चया स्थानीयबासीं सम्बन्धित निकाययात मच्वासे सुम्क च्वनेगु धइगु थःगु तुतिइ थःम्हेस्यां पां पालेगु थें हे खः।

यलया लाय्कुली प्याखं हुइकेगु नितिं यलय् गुथि संस्थानं चालंया दिनस तलेजु देगलं तलेजु भवानीयात पिने हय्गु पहल याय्माःगु खनेदुसा संस्थानं नवदुर्गा भवानी द्यःयात बिया वयाच्चंगु पुलां दरबन्दीकथंया धेबा, बलि बीगु नितिं मेय्, भ्याचा, दुगु व मेमेगु हलज्वलं न्याय्त ईकथंया धेबा उपलब्ध याकेमाःगु खनेदु।

महानगरपालिका मू चुकय् प्याखं क्यनेगु इवलय् चिकुलाया इलय् सु लानाः द्यनेत बाध्य जूपिं गुथ्याःतय्त उचित व्यवस्था याय्माःगु खनेदु। नवदुर्गाया गुथ्याःत नं अनुशासनय् च्वनाः प्याखं क्यनेगु ज्या जुइमाः।

नवदुर्गा गुथ्याःतय्सं प्याखं क्यनेगुया नापनापं गुथि सम्बन्धि मेमेगु ज्या याय्बलय् म्वाःमदुगु भन्फट, दुःखकष्ट फय्मालाच्चंगु खनेदु। गुथ्याःतय्त अःपुकेत व गुथि सम्बन्धि प्रशासनिकलिसें मेमेगु ज्या याय्त गुथिइ अलग्ग हे छगू 'नाच प्रबर्द्धन समिति' दय्के हथाय् जुइधुंकूगु दु। तर गुथिया सुं नं मनूत धाःसा अलग्ग हे समिति दय्के चाहे जुयाच्चंगु खनेमदु। गुथिया जग्गा थःगु नामय् वय्वं गुथि त्वःताः वनेगु प्रवृत्तियात पनेत व गुथिइ ल्याय्म्ह पुस्तायात आकर्षण याय्त गुथिं विशेष कुतः याय्माः। थौकन्ह्य् नवदुर्गा गुथिइ द्यः बू (पुजारी), कचा ताथा -

विशेष ताजिया बाजा थाइपिं), भैलद्यः, पोमि द्यः ज्वनीपिं न्याम्ह मनूत, मूस्याः ज्वनीपिं निम्ह, सामान ल्ह्यइपिं कुमि छम्हेसिग पद प्वनाच्चंगु दु।

थ्यंमथ्यं ३५ दैं न्ह्यः न्हना वनेधुंकूगु मोहनिया एकादशिया दिनस वादेय्, बुलु व सङ्गुइ वनाः गांगां चाहीकेगु परम्परा वि.सं. २०६७साल निसें हाकनं न्ह्याकूगुलिं फुक्क लय्ताःगु जक मखु, थुकिं सांस्कृतिक प्याखंयात हाकनं पुनःजीवित याय्त ग्वाहालि जूवंगु दु।

नवदुर्गा भवानी देवीया विशेष पर्व

बैशाखया अक्षय तृतिया, श्रावणया कृष्णपक्ष त्रयोदशि अथवा गथांमुगः चःहे, भाद्रया कृष्णपक्ष त्रयोदशि अथवा जुगः चःहे, नःलास्वनेगु दिं नवदुर्गा देगलय् विशेष पुजाआजा जुइ। थुगु दिनस नवदुर्गाया गुथियारत सुथय् म्वःल्हुयाः अवसं च्वनी। ३४म्ह गुथ्याःतय्सं थःथःगु छैं नं पूजाज्वलं हयाः देगलय् मुनीगु खः।

देगः दुने दम्बः खिथां (मू बाजं थाइम्ह) प्याखं हुलेगु नितिं बाजं थाइ। गुकियात प्यपु द्यः ल्हाय्गु धकाः धाइ। व लिपा फुक्क गुथ्याःतय्सं हःगु पुजाज्वलं छगू हे थासय् तयाः पुजारीपाखें विधि पूर्वकाः पुज्यासैं मेय् बलि बी। यदि गुथिइ न्हूम्ह मनू दुहांवःगु इलय् थुगु दिनस उम्ह मनुखं पाःताः थनेमाःगु चलन दु। थुगु दिनस पुजारी विशेष पुजाः हइ। गुकी अजूस्वां अनिवार्यकथं तय्माःगु परम्परा दु। अथेहे गथांमुगः चःहेया दिनस पुज्याइबलय् पलेस्वां व जुगः चःहेबलय् जीस्वां छाय्माः। नःलास्वने चःहेया दिनस नःलास्वां तय्गु चलन दु।

यःमरि पुन्हिया जात्राय् धाःसा विशेषकथं प्याखं क्यनीगु चलन दु। यःमरि पुन्हिया कन्ह्य् कुन्हु नवदुर्गाया गुथ्यात नाय् खलःया थाय् वनाः मिसापिंपाखें थःपिनिगु लुसि ध्यंकाः अलः तय्कूसें म्वःल्हुयाः अवसं च्वनी। सनिलय् द्यःगछिं परम्परागत प्याखं हुलाः थाय्थासय् बलि व पुजा कयाः देय् चाःहीकेगु परम्परा दु।

उकिया कन्ह्य् सुथय् थ्यंमथ्यं प्यताः इलय् नवदुर्गा द्यःगछि इवःलिक च्वनाः नवदुर्गा द्यःया मू दबुली प्याखं क्यनेगु ज्या जुइ। मू दबूपाखें थेच्चय् च्वंगु लसकुटी त्वालं चाःहुइकाः क्वय् लाछिया दबुलीइ थ्यंकाः हाकनं द्यः प्याखं हुइकेगु ज्या जुइ।

व लिपा भैलद्यः प्याखं हुली। गुकियात चाःल्हु प्याखं धाइ। काली व बाराही थःथःगु प्याखं न्ह्यब्वइ। बाराही प्याखं हुलेधुांः पाःताः कयाः छसिकथं द्यःबू दम्बः खिंथा, मू ताःथा, कचा ताःथा, कैय् था, द्यःगछि, नायःलिसें मेमेपिं गुथ्यातय्त सगं बीगु याइ। व धुंकाः भक्तजनपिन्त पुजाआजा याके बी, गुकियात देन्ना छाग्यु धाइ। व लिपा छसिकथं गणेद्यः, ब्रम्हायणी, महाद्यः, कुमारी, विष्णुदेवी, बाराही, सिंधिनी, ब्याघ्रिणी व भैलद्यः प्याखं हुली। थुकियात स्थानीयबासीं न्हि प्याखं धाइगु खः।

चगुं (चांगु) इ माधवनारायण

चक्रधरानन्द राजोपाध्याय

विश्व सम्पदाया धलखय् दुथ्याःगु चगुं (चांगु) नारायण वैष्णव सम्प्रदायया महत्वपूर्ण तीर्थ (धाम) खः। थन दुगु हनुमानद्यःया क्वय् तयातःगु अभिलेख कथं व हनुमान व यैया हनुमानध्वाखाया हनुमान स्वक्वय्त्या अथे धइगु ३३ कोष करीब १७ किलोमिटर तापाः। ख्वपं ६ किलोमिटर खःसा सक्वं करीब ५ किलोमिटर पाः। चगुं (चस्वांमाया गुं) ई चस्वांमां हे उत्पत्ति जूह जुयाः अनया नारायणयात चगुं नारायण धाइगु खः।

चगुं धाधां आः चागुंनारायण नां च्ववंगु दु। व महत्वपूर्णगु गुं ल्यंकातय्त यैया जुजु जयप्रकाश मल्लं उगु गुंया सिमा पालाः सिं दय्काः वा सिमा च्याकाः ह्यंग्वाः दय्काः मीत यंकूसा वयात दण्डया नियम तयातःगु खः।

अभ् थज्याःगु ज्याखँ लँय् खंम्हेसिनं उजुर मयातसा वयात नं बं पुइकीगु नियम दुगु खः। अनया सिमा ध्यनेत, व गुंया सिमा त्वाःदली कथं मखूगु ज्या याय्त सुं मन्त्री, भारदारतय्सं आदेश ब्यूसां व आदेश पालना याय्म्वाः। गुंया नियम कथं ज्या या धकाः ने.सं. ८४९ स छगु आदेश जारी यासं ताम्रपत्र तयाब्यूगु दु।

अथे यानाः ल्यंकातःगु गुं थौकन्हय् मनूतय् दथुइ अप्वः सिमा पालेफुम्ह, गुंया सिमा अप्वः क्वथलेफुम्ह, गुंइ च्वंगु ततःखःगु ल्वहँ अप्वः तछ्याय्फुम्ह, क्वय् नं न्ह्यानाच्वंगु मनमती (मनोहरा) खुसिया फि यक्व लिकाय्फुम्ह बहादुर जुयाः क्यनेगु विकृती अप्वःगु दु।

थज्याःगु हे ज्याखँया हुनिं, विकासया नामय् लालाःथे डोजरं लँ म्हुइगु हुनिं चगुंया च्वं हे चलः वनीगु ला मखुला धकाः अनया वासिन्दात त्रसित जुयाच्वेमाःगु अवस्था वःगु दु। आः ला चगुं धइगु नां जक दनि, अन चस्वांमा ला म्हवः जुयाः निमा प्यमाय् सिमित जुइधुकल। अन गुंगू (९) दहत दुगु खः। आः उगु दहत न्हावनाः निगू प्यंगू जक ल्यं दनि। चगुं नारायणद्यःयात न्हिथं स्नान याकेत नीलः काय्माःगु नारायणहिंति नं इलय्ब्यलय् सुइगु जुयावय्धुकल।

हिंति सुइबलय् पाः लाःम्ह भनियात मनमती खुसिइ थ्यंक नीलः काःवने मालाच्वंगु दु। व हे खुसिइ नं वासिङ्ग धाधां फि सिलाः पँचा ल्वाकज्याःजु बुलूगु लः ल्वाकज्यानाः प्रदुषित जुइधुकल। थनया परम्परागत संस्कार म्वाकातय्त आः थाकुया वय् धुकल। थनया परम्परागत संस्कार, संस्कृतिया खँ ल्हाय्बलय् चँगुनारायण द्यःयाथाय् लापतिकं अनेक परम्परागत पर्वपूजा, जात्रात जुयाच्वेनेगु याः। वैसाखं मू जात्रा, श्रावण व पौष कलश जात्रा, फागु पुन्हिकुन्हु वंशगोपाल (होलां) जात्रा, चैत लक्ष्मीनारायण जात्रा। थुकिया नापं चँगुइ दँय् छकः ख्वपया नवदुर्गा हय्माः। न्हापा न्हापा १२ दँय् छकः यैया नवदुर्गा (गथुप्याखं) नं हइगु खः।

थौकन्हय् थुगु परम्परा दिना वनेधुकल। मिला पुन्हिनिसें सिल्ला पुन्हि लच्छितक्क थन माघ वनेगु चलन दु। उकिया लागिं छबथां मनूत चगुंया थाय्थासय् सुथय् चाःह्यु वनी। आइतबाः वा सोमबाः व बिहिबाः नारायणहिंति, मंगलबाः गुंइ गनेद्यः (सेतो गणेश), बुधबाः शंखदह, शनिबाः पारिजात सरस्वती वनी। अन स्नान यानाः तीर्थतय्यु नां कयाः न्हापा चम्पक नारायण तीर्थ दर्शन आनन्द धकाः कजिनं धाइ, मेमेपिन्सं श्री राधाकृष्ण गोविन्द धाइ।

शंखध्वनी नापनापं नाराद्यःया देगलय् थ्यंकाः कव चाय्की।थौकन्हय् थ्व परम्परा दिनावनेधुकल।

अथे हे, दँय् छक्कः सक्वया व ख्वपया माधव नारायण नं थन हय्माः। सक्वया माधवनारायण सिल्लाथ्व (माघ शुक्ल) एकादशीकुन्हु सक्वय् निकः धलं दंकाः फल जक पालं यानाः धलमिति बहनी चगुंपाखे प्रस्थान याइ। बहनीसिया करीब १० ताः इलय् चगुंइ थ्यनी। माधवनारायण मथ्यंतल्ले धलमिति जगती (चगुं नारायण देगः परिसर) दुहावनेमज्यू। गुलिं जगतीइ पिने बलपुलिइ पियाच्वनी। अन धलमिपिनिगु सुविधाया लागिं मि च्याकातइ। दालाय् कुबियाहःम्ह माधवनारायण बलपुलिइ थ्यंकाः शंखध्वनी नापं सकसितं जल बी। अले सकलें नापं जगतीइ दुहावनी। उबले अन सावांतय्सं भजन हाला हे च्वनी व धलमितय् देगः परिक्रमा जुइ। उकुन्हु बहनी नारायणया आरती

सिधःसां ध्वाखा (खापा) तीमखु। माधवनारायण चगुं नारायणया देगलय् यंकाः शंखजलं स्वकः अभिषेक यानाः जलप्रसाद कालबिल याइ। निम्ह मित्रया मिलन जूगु चान्हिसिया थुगु ई तसकं आनन्दमय जुइ।

अन आनन्दमय शंखध्वनी दु, गंथा भन्कार दु, माधः.... माधःया श्रद्धाभक्तिपूर्ण उच्चारण दु, सुमधुर भजनया गुंजन नं दु। थ्व सकतां सः ल्वाकज्याःगु बिस्कंगु आनन्दीत सः थ्वयाच्वंगु दु। आहा, गुलि न्हयइपूगु ई थ्व। शायद स्वर्गीय आनन्द धइगु थथे हे खःला धइगु सुखानुभूति जुइगु थ्व इलय् बहनी खिउँसेच्वंबलय् थाकुक्क न्यासिवःगु त्यानु नं तनी। थुगु ज्याइवः क्वचाय्काः माधवनारायणया स्मरण यायां द्यःयात जगती दुनेया विशेष थासय् तइ। अन नं भजन याइ।

धलमित देगःया बैय् म्वाग्वारातुलाः देगःया परिक्रमा याइ। कठिन परिश्रमपूर्वक भक्ति याइ। छुं ई लिपा घेनेत वनी। उगु दिनय् धलमित चँगुइ हे बासं च्वनी। कन्हय्कुन्हु सिल्लाथ्व (माघ शुक्ल) द्वादशीकुन्हु सुथय् न्हापां दनाः धलमित थःथःगु पूजा ज्वलं ज्वनाः धलं दनेगु थाय् शंखदह वनेत तयारी याइ। थुगु थाय् चगुंनारायणं १ किलोमिटरति क्वय् लाः।

माधवनारायणालिसं धलमित सकलें अन थ्यंका द्यःनापं नित्य स्नान याइ। शंख दहलय् चलः वंगु जुयाः लः मदयाः थौकन्हय् व दिनया लागिं अस्थायी पुख् दय्काः लः मुंकाः ज्या काय्गु यानाच्वंगु दु। दहया सिथय् माधवनारायण दिकी। अले अन थ्यपिं भक्तजनपिन्सं दर्शन पूजा याइ। धलमितय्सं माधवनारायणया नित्य पूजा सिधय्काः धलं दनेत तयारी याइ। द्यःयात तिसां तीकी।

धलमि सकसिनं नुसला कयाः नीलः ज्वनाः धलं दनेथाय् च्ववनी। थुगु इलय् उमित सुनां नं थीमज्यू, थिलकि हाकनं नुसला काय्माः। आः चगुं नारायणया पूजारी राजोपाध्यायं वकुन्हुया धलं दंकी व विधिवत धलं पूजा याइ। धलंया दथुइ आनन्दमय शंखध्वनी, भजन जुयाच्वनी। पूजा क्वचाय्काः सकसिनं जलप्रसाद ग्रहण याइ। इच्छुक भक्तजनपिन्सं धलमिपिन्त भोजनवस्तु, सिन्हः, दक्षिणा इनाबी।

म्हसिका प्यगु निंति -



नां : सुरेश मानन्धर
थाय्वाय् : डल्लु, यै
बुदिं : ४ भाद्र २०२४

लजगाः

मूलजगाः : आइसक्रिम डिलर

ख्यालि प्याखंम्ब, स्यनामि सुरेन्द्र मानन्धरया सम्यबजि पुचलय् जि नं छम्ह दुजः खः। उगु पुचलं न्ह्याका चंगु थोथी ज्याइवलय् मदिक ज्या यानां वया च्वनागु दु।

☞ थौं कनय छु यानां दिया ?

टेलीप्याखं कुचु कुचु व चाकुमाकु प्याखनय् प्याखंम्ब जुया च्वना। गबलें गबलें डबुलिई छधा प्याखनं यानां, काराओके म्ये हालेगु नं यानाच्वनागु दु।

☞ गवदैँ दत प्याखंम्बः जुया दियागु ?

भिदैँ दत प्याखंम्ब जुयाः थःगु प्रतिभा मदिक ब्वया च्वनागु दु।

☞ प्याखंम्बः जुया छितः छु दत ?

नुगलय् ज्या यानाः क्यनेफत, स्वक्वमि भाजुमय्जुपिन्सं थ्व नं प्याखंम्बः खः धका म्हसिल, लसं हना।

☞ म्येप्याखं दय्के माःगु छाय् थें ?

सःजक न्यनीपिं म्हवः जुल म्ये प्याखं मदय्कूसा म्ये च्वमि, लय् चिनामि, म्येहालामिपिनिगु म्हसिका हे तना वनीगु जुल। उकिं म्ये प्याखं दय्केमाःगु जुल।

☞ छितः म्ये हालेयः कि प्याखंम्ब यः?

जितः नितं यः। उकीं नितं नापनापं न्ह्य ज्याका च्वनागु दु। प्याखंम्बः जुया हे म्ये हाले सःगु खः।

☞ न्यना प्याखंम्बःतय् ज्याला मदु धागु न्यना खःला ?

सम्यबजि पुचलं जुइगु ज्याइवलय् ल्हाः हुसुलु जूगु मदुनी फुक्क सितं इनां च्वंगु हे खना। मेमेपिसं दां दान्छि नं मबिउ धाःगु नं नेना। सुनां विउ सुनां सुनां मबिउ वला मसिल।



आयो नून खाउँ स्वस्थ रहौ

आयो नून खाउँ आयो 'आयो नून' यसिले स्वास्थ्यको राम्रो ज्ञान

आयो नूनको कानीबाट हुने निम्तिहरुः

१. रक्त शर्करा नियन्त्रित राख्न, रक्तचाप नियन्त्रित राख्न, रक्तशर्करा नियन्त्रित राख्न
२. रक्तचाप नियन्त्रित राख्न, रक्तशर्करा नियन्त्रित राख्न, रक्तशर्करा नियन्त्रित राख्न
३. रक्तचाप नियन्त्रित राख्न, रक्तशर्करा नियन्त्रित राख्न, रक्तशर्करा नियन्त्रित राख्न
४. रक्तचाप नियन्त्रित राख्न, रक्तशर्करा नियन्त्रित राख्न, रक्तशर्करा नियन्त्रित राख्न
५. रक्तचाप नियन्त्रित राख्न, रक्तशर्करा नियन्त्रित राख्न, रक्तशर्करा नियन्त्रित राख्न
६. रक्तचाप नियन्त्रित राख्न, रक्तशर्करा नियन्त्रित राख्न, रक्तशर्करा नियन्त्रित राख्न
७. रक्तचाप नियन्त्रित राख्न, रक्तशर्करा नियन्त्रित राख्न, रक्तशर्करा नियन्त्रित राख्न
८. रक्तचाप नियन्त्रित राख्न, रक्तशर्करा नियन्त्रित राख्न, रक्तशर्करा नियन्त्रित राख्न
९. रक्तचाप नियन्त्रित राख्न, रक्तशर्करा नियन्त्रित राख्न, रक्तशर्करा नियन्त्रित राख्न
१०. रक्तचाप नियन्त्रित राख्न, रक्तशर्करा नियन्त्रित राख्न, रक्तशर्करा नियन्त्रित राख्न

आयो नूनको कानीबाट हुने निम्तिहरुः

सौम्य रोगको राम्रो निम्तिहरुः

सौम्य रोगको राम्रो निम्तिहरुः

सौम्य रोगको राम्रो निम्तिहरुः

Binod Maharjan
9841369552, 9808644666

बि.आर्ट्स

B. Arts

Nayabazar, Kirtipur

4335491, barts4335491@hotmail.com

★ Banner, Flex Board
★ Glow Sign Board
★ Sticker Cutting / Printing
★ Screen/ Rubber Print
★ Self-ink/ Rubber Stamp
★ PVC(ID) Visiting Card
★ & all kinds of press works





संस्कृति प्रेमी इन्द्र महर्जनयात म्हसीके



रत्न काजी मनि

»

वि.सं. २०२

९/३० सालपाखे

एनसीसीएनपाखें

कम्पनीया निंतिं

इस्वाधःया जग्गा

अधिग्रहण याना काःगु

खः । उबले सरकारी

मूल्यांकनकथं धकाः

अनया जग्गाधनीपिन्त

पिकं निसःतका

जक भाः क्वःछिना

ब्यूगुया वय्कलं विरो

ध यानादिल । न्हापां ला

अनया मेमेपिं बुँथुवाःपिसं

नं वय्कःयात साथ

ब्यूगु खः । तर लिपा

छठह छठह यानाः

सकलें लिचिल ।

यें देय्या परम्परागत ३२ गू त्वाः (थौकन्हय् ६३ गू त्वाः खलः) मध्ये छगू परम्परागत त्वाः खः किलाघः । थ्व हे किलाघः त्वालं दैय्दसं यें देय्या ऐतिहासिक, सांस्कृतिक, धार्मिक व परम्परागत नखः यैयाःया इलय् दीप्याखं, पुलुकिसि प्याखं पिथनेगु याना वयाच्चंगु दु । थुगु परम्परागत किलाघः त्वाःया कजि, पुलुकिसिया व्यवस्थापक व दीप्याखंया मूगुरु खः इन्द्र महर्जन ।

वंगु १९९० भदौ महिनाय् मां चिनिमाया महर्जन व अबु नारायण महर्जनया क्वखं वय्कःया जन्म जूगु खः । थः मांअबुया न्याम्ह सन्तानमध्ये निम्हम्ह व काय्पिं मध्ये तःधिकःम्ह खः । न्हय्दैया नच्चागु उमेरय् हे बाजं थाय्गु, दाफा म्ये हालेगु सय्कादीम्ह वय्कलं थःत जीवन पर्यन्त थ्व हे ख्यलय् पानादिल । किलाघः त्वालं थीथी नखःचखः, जात्रापर्वया इलय् पिहाँ वइगु थीथी बाजं व प्याखंया मू गुरु जक मखु वय्कःयात त्वाःया हे धरोहरकथं कयातःगु दु ।

मचानिसें परम्परागत, सांस्कृतिक बाजनय् सय्केगुलिइ अभिरुचि दुम्ह इन्द्र महर्जनं थःत थ्व ख्यलय् अभ्यस्त याय्गु इवलय् लालां, दँदैतक गुरुपिनि छैय् हे वनाः बाजं थाय्गु सय्कादिल । वय्कलं धिमय्, धाः, खिं, मगःखिं, क्वंचाखिं, दंगःखिं, नाय्खिं, धोलक, पछिमा, बाँसुरि, बय्, भ्वाइलिन आदि बाजनय् थःत पोख्त यानादीगु दु । थ्व बाहेकं मेमेगु वाद्यवादन अले थीथी दाफा म्ये, रागय् नं वय्कः उलि हे पोख्त जुयादी । वय्कःया काय् नरेन्द्र महर्जनं कनादीकथं वय्कः ३२ पु रागया ज्ञाता जुयादी । तर वय्कलं सःगु थुगु रागत वय्कःलिसे हे विलय जूगु दु । वय्कलं त्वालय् म्ये स्यनीगु इलय् थुपिं रागत मध्ये छुं छुं रागत ला स्यना ब्यूगु दु । वय्कलं रागत स्यनीगु इलय् च्वयेगु व रेकर्ड याय्त धाःसा अनुमति बियामदी । छुं खँ च्वय् धकाः न्येनेकने यात धाःसा वय्कलं कनादीमखु ।

वय्कलं थम्हं सय्कागु बाजं मेपित नं स्येनेकने याय्गु यानादी । मूल रुपं वय्कलं बागू शताब्दी न्हयः किलाघः त्वाःया हे गुरु ग्वारा महर्जनपाखें आपालं मेहनत यानाः बाजं सय्कादीगु खः । २०३३ सालय् गुरु ग्वारा महर्जन मदय् धुंकाः किलाघःया दीप्याखं स्येनेगु व क्येनेगु भाला वय्कलं क्वबियादीगु खः ।



वय्कः बाजंप्रति गुलितक आशक्त धइगु छगू घटना सीदइ । थनिं २२ दँ, २३ दँ न्हयः किलाघः त्वालं लुम्बिनी वनेगु मुंक्गु जुयाच्चन । अबलय् बैशाख पुन्हिया ताकाय् छन्हु सुथ न्हापां द्यः ख्युंवलय् हे लुम्बिनीया ख्यलय् बाँसुरिया मधुर सः ताय्दयाच्चन । सुथ न्हापां बाँसुरिया सः गनं वल धकाः भिक्षु, भिक्षुणी, उपासक, उपासिकापिं सकलें मुध जुयाः गनं सः वयाच्चन धकाः स्वस्वं वंगु इलय् इन्द्र महर्जन याकचाः बाँसुरि पुयाच्चंगु जुयाच्चन । थुकिं नं सी दु कि वय्कःया संगीतप्रतिया मोह गुलि दु धकाः ।

थम्हं सःगु, स्युगु व अनुभव यानागु ज्ञान, सीप, कला न्हू पुस्तायात लःल्हाना थकेमाः धइगु धारणा तयादीम्ह वय्कलं छुं दँ न्हयःतक न्हियान्हिथं सनिलय् किलाघलय् थःगु छैय् न्हू पुस्तायात वाद्यवादनया प्रशिक्षण बीगु यानादीगु खः । किलाघः त्वाःया गुरु जुयादीगु प्यांगु दशक दय् धुंकाः नं उकियात उपलब्धिया रुपय् काय्गु स्वयां न्हू पुस्तायु अभिरुचि थनेफुगुलिइ हे वय्कः सन्तुष्ट जुयादी । वय्कलं थम्हं सय्कागु बाजंया ज्ञान थःके वा थःगु त्वालय् जक सीमित मयाःसे ज्यापु समुदायया मेमेगु त्वालय् नं प्रशिक्षण बीगु व गुरुपिं उत्पादन याय्गु ज्या यानादीगु दु । थुकथं प्रशिक्षण बीगु इवलय् वय्कलं छगू हे परिवारया स्वंगू पुस्तायात तक प्रशिक्षण बीगु ह्वःताः चूलाकादीगु दु ।

गुरु इन्द्र महर्जनं थःत परम्परागत

सांस्कृतिक बाजंया ख्यलय् जक थःत पानादीगु धाःसा अवश्यं मखु । वय्कलं किलाघः त्वालं दैय्दसं जुइगु हरेक गतिविधि व मेमेगु सकतां ज्याखँय् थःत उतिकं सक्रिय यानादीगु द । किलाघः त्वाःयात संस्थागत संरचनाय् यंकेगुलिइ नं वय्कलं आपालं सहयोगी भूमिका म्हितादीगु दु । त्वाःया कजिया रुपय् वय्कलं त्वाःयात संस्थागत रुपं न्हयःने यंकेगुलिइ नं उतिकं भूमिका म्हितादीगु दु ।

किलाघः त्वाःया कजिलिसे दीप्याखंया मू गुरु इन्द्र महर्जन किलाघः त्वालं हे पिथनीगु पुलुकिसि प्याखंया नं व्यवस्थापक खः । त्वाः कजिया ल्याखं वय्कलं थःगु जीवकाःछिपुलुकिसियात थौया दितक नं व्यवस्थित रुपं संचालन याय्त उतिकं भूमिका म्हितावयादीगु दु । थुकथं हे मोहनिया चालंकुन्हु थीथी त्वालय् पायः पिथनेगु चलन दुसा उकी किलाघः पायःया नं छगू खः । किलाघः पायाः जात्राय् अजिमा, कुमारि व भैरव दइ । इन्द्र महर्जनं किलाघः पायाः जात्राय् इन्द्र जुयादीगु दु ।

अथे हे होलिपुन्हिकुन्हु बहनी गुरुमापायात तिख्यलय् जा नकःवनेगु चलन दु । थ्व ज्याय् नं इन्द्र महर्जनं उतिकं भूमिका म्हितादीगु दु । विशेषतः गुरुमापा गुथियारत किलाघःया पःमां, न्हयःखाया पःमा व न्यतया पःमा खःसा गुथि जग्गाया म्हय्पाखें इन्द्र महर्जन व नासःद्यः चुकया नारायण महर्जनं भूमिका म्हिता वयाच्चनादीगु खः ।

त्वाःया भिंगु ज्याय् नं उतिकं मन क्वासाय्काः न्हयचिलादीम्ह वय्कः

लगायत त्वाःयापिसं तसकं दुःख यानाः २०२३ सालय् त्वाःछँ निर्माण याःगु खः । उगु इलय् त्वाःछँ निर्माणया निंतिं सकलें गुथ्याःतय्पाखें भित्तका दां म्हय्गु खँ जूगु इलय् वय्कःया अबु नारायण महर्जनं दकलय् न्हापां सछि तका दां तयादीगु खः । उगु इलय् भित्तका दां हे म्हय्त् थाकुइवं जनश्रमदानं दय्केगु निर्णय यानाः २०२५ सालय् त्वाःछँ धस्वाकेत सफल जुल । २०७२ सालया भुखाचं क्षति जूगु त्वाःछँ हाकनं पुनर्निर्माण यानाः न्हूगु छँ धस्वाक्गु खनाः वय्कः तसकं लय्तायादीगु खः ।

वि.सं. २०२९/३० सालपाखे एनसीसीएनपाखें कम्पनीया निंतिं इस्वाधःया जग्गा अधिग्रहण याना काःगु खः । उबले सरकारी मूल्यांकनकथं धकाः अनया जग्गाधनीपिन्त पिकं निसःतका जक भाः क्वःछिना ब्यूगुया वय्कलं विरोध यानादिल । न्हापां ला अनया मेमेपिं बुँथुवाःपिसं नं वय्कःयात साथ ब्यूगु खः । तर लिपा छम्ह छम्ह यानाः सकलें लिचिल । वय्कः याकःचा हे मुआब्जा मगाः धइगु आन्दोलनय् न्हयचिलाच्चनादिल । लिपा सरकारी कर्मचारीतय्सं सरकारलिसे ल्वाय्गु धइगु अंगलय् छ्यं न्याकेगु थें जक खः । सुम्क मुआब्जा का धकाः धाःगु जुल । याकःचा जुसैलि वय्कलं थःगु जग्गाया मुआब्जातकं मकासे त्वःता दीगु खः ।

सांस्कृतिक, परम्परागत बाजिलिसे त्वाःया हरेक ज्याखँय् नं उतिकं सक्रिय जुयाः थम्हं स्यूताःकथं फूचाःगु योगदान बियावयादीम्ह वय्कःयात २०१५ सालय् वाद्यवादन निर्देशकया सम्मान, २०६७ सालय् ज्यापु सेवा पदक, सन् १९९१ य् विश्व पर्यटन दिवसय् निगूगु व सन् १९९२ य् न्हापांगु सिरपालं त्वाःनायः व गुरु इन्द्र महर्जनयात सम्मान याःगु दु । अथे हे वय्कः २०५३ सालय् गद्दी आरोहण रजत महोत्सवं नं विभूषित जुयादीगु दु ।

त्वाःया परम्परागत भव्यया कुशल व्यवस्थापन याय्गुनापं सुवाःतकं जुयादीम्ह वय्कःया २०६८ सालय् न्हापांगु ज्याः जंक्व जूगु खः । किलाघः त्वाःया जक मखसे समग्र ज्यापु संस्कृतिया हे धरोहरया रुपय् दयाच्चम्ह वय्कः इन्द्र महर्जनं थ्व हे वंगु पुस ३० गते ९० दैया उमेरय् थःगु नश्वर देह त्याग यानादीगु खः ।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्यारिङ पनि गरिन्छ ।

(क) व्यापारी त्यासा

(ख) हायरपचेज त्यासा

(ग) आवासीय त्यासा



(घ) शेयर त्यासा

(ङ) मुद्दी रसिद धितो त्यासा

(च) क्रमिक निक्षेप त्यासा

मिलन बहुउद्देशीय सहकारी संस्था लि.

ह्वनाछँ, पाको, न्हूसतक, यें, नेपाः

फोन ल्याः ४२३१०३६, ४२२२०६५, ४२१६१६७, फ्याक्स : ४२१६१६७

श्रीघलपु अजिमा देगःया पुनर्निर्माण क्वचाल



श्रीशान्तिघट बज्रधातु पलिस्था पूजा क्वचायुकाः चैत्य महाविहार श्रीघलपु विराजमान जुयाच्चनाबिज्याःम्ह आराध्यदेवी हारती अजिमाया देगःया पुनर्निर्माणया ज्या क्वचाःगु दु। दच्छि न्ह्यः २०७८ माघ १० गतेनिसें निर्माण न्ह्याकूगु देगः दच्छिलिपा माघ १० गते हे निर्माण क्वचायुकाः पलिस्था पुजा जूगु खः।

अथेहे अजिमा देगः पुनर्निर्माण उपभोक्ता समितिया मेम्ह संयोजक पुरन शाक्यं यें महानगरपालिकाया तत्कालिन मेयर विद्या सुन्दर शाक्यं देगः पुनर्निर्माणया निमित्त आर्थिक ग्वहालि यानादीगु कनादिल।

ज्याइवलपु यें महानगरपालिकाया उपमेयर सुनिता डंगोल, यें मपा वडा २५ या पुलांम्ह वडाध्यक्ष नीलकाजी शाक्य, श्रीशान्तिघट बज्रधातु चैत्य महाविहार श्रीघःया थकालि आजु कर्ण शाक्यया नं उपस्थिती दुगु खः।

उगु हे ज्याइवलपु, देगः पुनर्निर्माण क्वचाःगु लसतायु पिहांवःगु लुमन्ति पौया नं पितृवज्या जूगु खःसा पुनर्निर्माणया ज्या ताःलाकेत ग्वहालि याःपिन्त सम्मान नं याःगु खः।

देय् दबू यल जिल्लाय् रविन्द्र शाक्य



नेवाः देय् दबूया केन्द्रीय नायः पवित्र बज्राचार्य नेवाःत राजनीतिक रुपं सचेत मजुगुलिं हे ल्यूने लानाच्चंगु खँय् बः बियादीगु दु। नेवाः देय् दबू यल जिल्ला समितिया तःमुँज्याय् न्ववासें नायः बज्राचार्य आः नेवाःत नं राजनीतिक क्षेत्रय् सचेत जुयाः नेतृत्व कयाः न्ह्याःवनेमाःगु खँय् बः बियादिल।

ज्याइवलपु देय् दबूया केन्द्रीय सल्लाहकारलिसें विशेष पाहां डा. पुष्पराज राजकर्णिकार, न्वकू उमेश स्थापित विकास निर्माणया ज्याय् गैर नेवाःत हावी जुयाच्चंगुलिं हे नेवाःत थःगु आदिभूमिं विस्थापित जुयावनाच्चंगु धयादिल। देय् दबू यल जिल्ला समितिया साविक न्वकू रविन्द्र शाक्य,

ज्यापु महागुथि नेपाःया केन्द्रीय न्वकू अष्टमान महर्जन, देय् दबू यें जिल्लाया नायः धनबहादुर महर्जन तिमिला, देय् दबू राष्ट्रिय परिषदया दुजः शरणगोपाल डंगोल, वरिष्ठ समाजसेवी मोतिलाल शिल्पकार, नेपालभाषा मंकाः खलः यलया पुलांम्ह नायः ऋषिप्रसाद श्रेष्ठ, देय् दबू स्वनिगः विशेष प्रदेशया नायः श्रीकृष्ण महर्जनलगायत न्ववानादीगु खः।

देय् दबू यल जिल्ला समिति न्हापांगु तःमुँज्यां रविन्द्र शाक्ययात अध्यक्षय् निर्बिरोध निर्वाचित याःगु दु। तःमुँज्यां शाक्यया अध्यक्षताय् नीछ्महेसिया न्हूगु ज्यासना पुचः निर्विरोध ल्यःगु खः।

न्हूगु ज्यासना पुचलय् कृष्णभक्त डंगोल वरिष्ठ उपाध्यक्ष, मदन श्रेष्ठ उपाध्यक्ष, बुद्धिलक्ष्मी महर्जन सचिव व नानीहेरा शाक्य कोषाध्यक्षय् ल्यःगु दु। दुजलय् राजु शाक्य, अमिनराज महर्जन, रमिता वज्राचार्य, रमेश तण्डुकार, सुरज तण्डुकार, बाबुराजा वज्राचार्य च्वनादीगु दु। मेपिं दुजलय् निर्मल डंगोल, दशराज तण्डुकार, पशुपति तुलाचन, सुदन शाक्य, चन्द्रकमल श्रेष्ठ, अनिता अवाले, राम महर्जन, सविता डंगोल, महेन्द्रकुमार महर्जन व अष्टेन्द्रकुमार महर्जन च्वनादीगु दु।

मचा शास्त्रीय संगीत प्रतियोगिता

२९ क्वःगु राष्ट्रिय बाल शास्त्रीय संगीत प्रतियोगिता क्वचाल।

किराँतेश्वर संगीताश्रम गौरीघाट पशुपति लागाय् ग्वसाःग्वःगु ज्याइवलपु गायन, सुर र ताल वादन विधाय पुलापिं व नवोदित मचाकलाकारपिसं प्रतिभा न्ह्यब्वःगु खः।

धेंधेंबल्ला त्याकामिपिन्त छगू समारोहदथुइ प्रमाणपत्र र सिरपाः लःल्हाःगु दु।

सुरवादनपाखे रुपक महर्जन, न्हाप, नुर श्रेष्ठ ल्यू सौम्या सिं लियांल्यू व आहना महर्जन हःपाः त्याकूगु खःसा गायनपाखे समुन्द्र भट्टराई, सिल्भिया प्रजापति, एन्जलबाबु कट्टेल व वाटिका बिजुक्छें कथं न्हाप, ल्यू लियांल्यू व हःपाः सिरपाः त्याकूगु खः।

तालवादनपाखे आर्जल महर्जन न्हाप व प्रहर्ष महर्जन



हःपाः त्याकूगु खः।

निर्णायक मण्डलय् जीवन राई, दुर्गाप्रसाद खतिवडा, लावन्नी चक्रवर्ती व श्री केसी दुगु खः।

मस्तयुत शास्त्रीय संगीतया महत्व थुइकेत व रुचि ब्वलंकेत दैय्दसं थुगु ज्याइवः ग्वसाः ग्वयावयाच्चंगु खः। थुगुसी २३ म्हेसिया ब्वति दुगु खः।

यें महानगरया ...

हे खःसां मुआब्जा बीमाःगु वडाध्यक्ष महर्जनया धापू दु। महानगरं नागरिकया सम्मान मयाःगु खनेदुगु तक धयादिल। ‘प्रहरी तयाः बल छ्यलाः जबरजस्ती डोजर न्ह्याकेगु खँ गुलित न्यायोचित ? निजी जग्गाय् विना सूचना छाःय् डोजर न्ह्याकल धइगु खँ प्रष्ट याय् हे माः।’ महर्जन धयादिल।

थ्व खँय् यें महागनरया प्रमुख प्रशासकीय अधिकृत बसन्त अधिकारी शंखमुल गणेशमार्ग क्षितिज मार्ग वनेगु लँय् अनाधिकृत रुपं संरचना दयकातःबलय् अन सडक हाकुपत्रे यायुत मछिगु धकाः स्थानीयवासीं हे कारबाहीया लागिं महानगरय् निवेदन ब्यूवःगुलिं कारबाही जूगु धयादिल। ३१ वडाया अध्यक्षथा ल्हाःचिलिसें महानगरय् निवेदन वःगु, स्वीकृत मजुगु संरचना चीकेत ९० दिने सार्वजनिक सूचना न्हापा हे बीधुनागु व, व हे कथं कारबाही यानागु दाबी यानादिल।

महानगर स्रोत हे छुं गुनासो वा सुचं वयाकथं सत्यतथ्यया जाँचबुझ बिना हे डोजर छवयगु यानाच्चंगु धाःगु दु। मेयर वा महानगर प्रहरी प्रमुखयात कन्भिन्स याय्फुपिन्सं महानगरया डोजर न्ह्याकाच्चंगु स्रोतया धापू दु। तर, महानगर प्रहरी प्रमुख राजुनाथ पाण्डे धाःसा कल सेन्टरय् सूचना, वडा कार्यालयया अनुरोध, महानगरया निर्णयया आधारय् डोजर न्ह्याकाच्चानागु धयाच्चंगु दु।

उपत्यका विकास प्राधीकरण वा मेमेगु निकाय थें यें महानगरं नं डोजरयात हे विकासया मिखां स्वःगु विश्लेषण अप्वःसिनं यानाहःगु दु। महानगरया डोजरया विरोध प्यखेरं जुयावःगु दु। आम नागरिक दथुइ जक मखसें, जन प्रतिनिधिपिनिगुपाखें हे डोजरया विरोध सुरु जुइधुंकल।

थज्याःगु अवस्थाय् अप्वःसिनं आसा याःम्ह युवा मेयरं स्व्यंकेगु स्वयां रचनात्मक ज्या याय्गुलिइ ध्यान बीमाःगु खनेदु।

माघ १० निसें ...

सहिदपिन्त मृत्युदण्ड ब्यूगु दिं व थासय् लुमन्ति सभा जुइ। व कथं १० गते टेकु मचली, १३ गते सिफलपु, १५ गते शोभा भगवतीइ ज्याइवः जुइ। अथे हे, माघ १६ गते शान्ति बाटिकाय् नसंचा उलाः लैनचौरय् वनाः सहिद स्तम्भय् सभा जुइ।

प्राणदण्ड बी धइगु सीक सीकं नं नागरिक स्वतन्त्रताया सः तयाः शुक्रराज शास्त्री, धर्मभक्त माथेमा, गंगालाल श्रेष्ठ व दशरथ चन्दयात १९९७ सालय् मृत्युदण्ड बीधुंकाः वय्कःपिन्त लुमंकुसें सहिद दिवस हनेगु याइ। राणा शासनया विरोध यानाः जनतायात प्रजातन्त्रया पक्षय् छधी अले शिक्षित याःगु द्वपनय् वि. सं. १९९७ साल माघ १० गतेनिसें १५ गतेया दथुइ प्यम्हेसित प्राणदण्ड ब्यूगु खः। १९९७ माघ ७ गते सिंहदरबारय् जुजु त्रिभुवन व प्रधानमन्त्री जुद्धशमसेरलिसेंया इजलासं शुक्रराज शास्त्री, धर्मभक्त माथेमा, गंगालाल श्रेष्ठ, दशरथ चन्द व पूर्णनारायण प्रधानलिसें न्याम्हेसित सर्वस्वसहित ज्यान सजायया फैसला न्यंकूगु खः। लिपा पूर्णनारायणया सजाययात आजन्म कैदय् हिलाः प्यम्हेसित धाःसा मृत्युदण्ड ब्यूगु खः। राणा शासन विरुद्ध देशय् विदेशय् जूगु भूमिकाय् नाइके जूगु द्वपं बियाः शास्त्रीयात १९९७ साल माघ १० गते टेकु मचलीइ व १३ गते धर्मभक्त माथेमायात सिफलपु यख्खानाः प्राणदण्ड ब्यूगु खः। माघ १५ गते शोभा भगवती खुसि सिथय् गंगालाल श्रेष्ठ व दशरथ चन्दयात गोलिं कय्काः स्यानाब्यूगु खः।

इन्द्रजात्रा व्यवस्थापन समितिया वरिष्ठ उपाध्यक्ष डंगोल मन्त

ईन्द्रजात्रा व्यवस्थापन समितिया वरिष्ठ उपाध्यक्षलिसें आकाश भैरव गुथि वंघःया नायः शरदकुमार डंगोल मन्त। वंगु सोमबाः ११ः०० बजे वय्कः मदुगु खः।

वंगु शनिवाः छैय् च्वनाच्चंगु इलय् वय्कःया हृदयघाट जुइधुंकाः वय्कःयात वासः यायुत गंगालाल अस्पतालय् यकूगु खः। उगु हे अस्पतालय् वासः यायुगु इवलपु वय्कः मदुगु खः। वय्कःया अन्त्येष्टी वंगु मंगलबाः लुतिइ क्वचाःगु दु।



हरेक मंगलवार

राष्ट्रियताको लागि समर्पित

मेरो साप्ताहिक

मेरो साप्ताहिक

Mero Saptahik

मालाः मालाः ब्वनादिसैं।

कोरोना महामारीया कारणं दिनाच्चंगु ख्वपया सम्यक महादान थुगुसी हाकनं जूगु दु। दैय्दसं घ्यःचाकु संल्हूकुन्हु ख्वपय् यानावःगु सम्यक महादान थुगुसी हाकनं जूगु खः। थुगुसी भिन्त्यासः दै पुलांगु मुच्छलिन्द नागं कुइकातःगु ध्यान मुद्राय् दुगु अति दुर्लभ बुद्धया मूर्ति ख्वप नगरपालिकाया मेयर सुनिल

प्रजापतिं नं दर्शन यानादीगु खः। उगु मूर्ति नेपाःया भवैत, ख्वपनापं अफगानस्तान, पाकिस्तान व गिलगित पर्वतय् जक दुगु खँ धाःगु दु। थुगुसी निदैं लिपा सम्यक महादान न्ह्याःगुलिं आपालं श्रद्धालुतय्सं ब्वति काःगु खः। न्याम्ह सम्यक घः ख्वपया अजाजु घःत नापं जयदेवया सन्तान दरसन्तानतय्यु मूर्ति नं ब्वयाः

उगु सम्यक न्याय्कूगु खः। ख्वपय् घ्यःचाकु संल्हूकुन्हु न्याम्ह दीपंकयात बुरांख्यलय् बिज्याकाः सम्यक महादान न्याय्केगु चलन दु। नेपाल संवत ७८७ स जयदेव बज्राचार्य ३६० रोपनी जग्गानापं जयकीर्ति महाविहार थथुबही पुनर्स्थापना यानाः सम्यक महादान पर्व न्याय्कूगु खँ अनुसन्धानकर्ता सुरेशज्योति शाक्यं कनादीगु दु।

आफ्नो भन्नेको आफ्नै हुन्छ



५० औं वार्षिकोत्सव

५० वर्ष देखिको अटुट हाम्रो सम्बन्ध भन, भन बलियो हुँदै...

पौष मसान्त २०७९ सम्म

 कुल निक्षेप रु. २८२ अर्ब	 कुल कर्जा रु. २३५ अर्ब	 जनशक्ति ४०२४
 शाखा २६५	 ए.टी.एम. २६६	 ग्राहक ४० लाख
 मोबाइल बैंकिङ्ग ग्राहक १५ लाख		

राष्ट्रिय वाणिज्य बैंक लिमिटेड र तपाईं माफ्को ५० औं वर्ष देखिको सम्बन्ध भन-भन प्रगाढ हुदै गइरहेको सु-अवसरमा ग्राहकवर्ग, नियमनकारी निकाय, शेयरधनी, कर्मचारी एवं शुभेच्छुकहरूमा हार्दिक आभार प्रकट गर्दछौं। साथै, आगामी दिनहरूमा समय अनुसार आधुनिक एवं विश्वसनीय बैंकिङ्ग सेवा प्रदान गर्ने प्रतिबद्धता व्यक्त गर्दछौं।

 **राष्ट्रिय वाणिज्य बैंक लि.**
RASTRIVA BANIJYA BANK LTD.

ने.रा.बैं.बाट 'क' वर्गको इजाजतपत्र प्राप्त संस्था

...तपाईंको आफ्नै बैंक

राष्ट्रिय वाणिज्य बैंक लि. केन्द्रीय कार्यालय, सिंहदरबारप्लाजा, काठमाण्डौ
फोन: ९७७-१-४२५-२५९५ | फ्याक्स: ९७७-१-४२५-२९३९ | rbb.info@rbb.com.np | www.rbb.com.np

Rajendra Shrestha (Raj) Ph: 01-4251575
Reality Need Trust

RNT

TRADERS
Reliable N' Trustworthy
Ph: 9851158900

Dhobichaur, Chhetrapati (Near Dhobichaur Police Beat)
Shirting, suiting & tailoring (school, college & office)

व्यक्तिगत घटना समयमा नै दर्ता गराऔं।

- जन्म, मृत्यु, विवाह, सम्बन्ध विच्छेद तथा बसाईसराई जस्ता व्यक्तिगत घटना समयमा नै दर्ता गरौं गराऔं।
- व्यक्तिगत घटना दर्ता व्यक्ति पहिचानको पहिलो आधार हो।
- यस्ता घटना ३५ दिनभित्र स्थानीय पञ्जिकाधिकारीको कार्यालय (वडा कार्यालय)मा निःशुल्क रूपमा दर्ता गर्न सकिन्छ।
- विकासका योजना तर्जुमा गर्न, राज्यबाट नागरिकलाई प्रदान गरिने सेवा सुविधा सुनिश्चित गर्न, जनसंख्याको विवरण अद्यावधिक लगायतका कार्यका लागि व्यक्तिगत घटना दर्ता आवश्यक छ।



नेपाल सरकार

विज्ञापन बोर्ड

अष्ट्रेलिया वनेत विश्वास यायेबहगू छगूयां छगू जक माध्यम

VISA ALLIANCE

छितः लसकुस दु !

COURSES WE ASSIST

- Accounting	- Dental Assistant	- Leadership
- Aged care	- Disability	- Teaching
- Automotive	- Early Childhood	- Tourism
- Book Keeping	- Education	- Web-design
- Business	- Graphic Design	- Web-development
- Child Care	- Hairdressing	- MBA
- Certificate IV in Commercial Cookery	- Health	- Nursing
- Community Service	- Hospitality	- Pharmacy
- Cyber Security	- Information Technology	- Project Management
	- Law	- Science

Our Services

• STUDENT VISA	• IELTS	• ACCOMODATION
• DEPENDENT VISA	• PTE	• TICKETING
• TOURIST VISA	• MOCK TEST	• HEALTH INSURANCE
• MIGRATION VISA		

VISA alliance
Visa made simple

To connect with us...



Pushpalal Marga, Link Road, Sorhakutte, KTM
01-4353988, 9851238828
nepal@visaalliance.com
visaalliance.com.np

